

OILADAGI IJTIMOIY PSIXOLOGIK MUHITNING BARQARORLIGI TA'MINLAshDA QAYNONA VA KELIN MUNOSABATLARINING O'RNI

¹Eshmurodov Olmosbek Elamanovich -Termiz davlat pedagogika instituti “Psixologiya” kafedrasi dotsenti v/b, psixologiya fanlari bo‘yicha falsafa doktori

²Fazliddinova Umida TerDPI Pedagogika va psixologiya yo’nalishi 2-bosqich talabasi

olmosbekeshmurodov@gmail.com

Annotatsiya: Maqolada oilaviy munosabatlarda qaynona va kelin munosabatlarining ijtimoiy omillari, shuningdek bugungi kunda shubu masalaga yangicha zamonaviy metodlar va psixologik echimlar asosida yondashish yuzasidan ilmiy –nazariy fikr yuritilgan.

Kalit so‘zlar: Oila, qaynona, kelin, muhit, davlat, jamiyat, psixolog, depressiya, stress, hissiy kechinma, adaptatsiya, barqarorlik, ziddiyat, ajrashish.

Oila munosabatlari deganda biz, ijtimoiy psixologik jihatdan ma'lum guruh munosabatini ya'ni yaqin qarindoshlar o'rtasidagi muloqot jarayonini tushunamiz. Bunga eng avvalo, ota-onha va farzand, er va xotin, qaynona va kelin hamda shu kabi oila a'zolari o'rtasidagi muloqot munosabatlari tushuniladi. Tarixiy turmush tajribalaridan ma'lumki oiladagi eng nozik va ziddiyatli masalalardan biri bu qaynona va kelin munosabatlardir.

Oila davlat va jamiyat tayanchi, balki uning asosiy negizi hamdir. Har bir davlat va jamiyat sog'lom turmush-tarziga intilar ekan eng avvalo, bu masalani oila timsolida ko'rishadi. Shu nuqtai nazardan olib qraydigan bo'lsak, bugungi kunda oila instituti jamiyatning barqarorlik kafolati bo'lib qolmasdan baliki uning kelajak istiqbolini ta'minlab bervchi omildir. Uning muqaddasligini e'tirof etish, daxilsizligini ta'minlash har bir inson ongi va tafakkurida, faoliyat turida, hissiy

munosabatarida birinchi hayotiy zarurat ekanligini inson omili nuqtai nazarida yondoshmoqligi zarur.

Oiladagi ijtimoiy psixologik muhitning barqarorligi ko‘p jihatdan qaynona va kelin munosabatlarini qaysi darajada tashkil etilganligiga bog‘liq desak masalaga to‘g‘ri yondashgan bo‘lamiz. Ushbu masalani ilmiy jihatdan tadqiq etar ekanmiz, oila degan muqaddas dargoh aynan mana shu qaynona va kelin funksional rolni bajaruvchi insonlarning xarakter xususiyati va dunyo qarashi timsolida, sog‘lom yoki nosog‘lom muhitni yuzaga keltirishi oydinlashmoqda. Bugungi kun jamiyatimiz oilalarida ma’lum ziddiyatli munosabatlar, nosog‘lom psixologik muhit qaynona va kelin diologlarida aks etmoqda. Buning oqibatida oila a’zolori o‘rtasida konflikt yuzaga kelib, muqaddas atalmish oila dargohi taqdiri xavf ositida qolishi oritib bormoqda. Ta’bir joiz bo‘lsa aytish mumkinki, oilalarning buzilishiga sabab bo‘luvchi ijtimoiy psixologik omillardan biri bu - aynan qaynona va kelin o‘rtasida yuzaga kelayotgan munosabatlardagi ziddiyatdir.

Diniy bilimlar bilan to‘yinga milliy qadriyatimiz oilada ota-onada va qaynota – qaynonaning o‘rni beqiyos ekanligini barcha davrlarda avloddan-avlodga singdirib kelgan. Bugungi kunda insonni malohazaga chorlaydigan masalalar kun tartibida turibdi. Nega oldingi davrlarda oilada qaynona bir nechta kelin bilan ahil yashagan, hozirga kunda qaynona bilan bittagina kelin ham ziddiyatli munosabatlar iskanjasida qolib ketayotganligi kuzatilmoxda? Ushbu davrda kelinlarning barchasi qaynonasiga itoatda bo‘lib hurmat ko‘rsatgan bo‘lsa, ayni vaqtda yakka-yu yagona kelin uning teskarisini amalaga oshirmoqda.

Masalaga shu nuqtai nazardan qaraydigan bo‘lsak, yoshlarda yuzaki fikrlash tarzining vujudga kelganligi, oila muqaddasligi borasida etarli psixologik bilim va tushunchaning sayozligi, diniy bilimlarning etishmasligi, xususan shariat qoidalari va axloq normalariga nopsand yondashuvni kuzatish mumkin.

Qaynona va kelin o‘rtasidagi munosabatlarga putur etishining asosiy omilini mana shu faktorlar bilan izohlash ayni haqiqatni yuzaga chiqaradi. Ushbu masalani yana bir tomoni borki, oilaga tashqi aralashuv jumladan er va xotin

munosabatini qaynona o‘g‘lining xotiniga ijobiy muomalasini notug‘ri talqin qilgan holda uni tanqid qilishi, ba’zi oilalarda o‘g‘lini kelindan “qizg‘onish” holatlariga ega bo‘lgan potologik yondashuvlarning mavjudligidir. Oqibatda kelinga nisbatan qaynonada dushmanlik hissining paydo bo‘lishi, unga noto‘g‘ri munosabatda bo‘lgan holda, har bir harakatidan kamchilik izlash borgan sari ortib boradi hamda onalik fitratiga putur etkazadi.

Bugungi kunda yoshlarni oilaga tayyorlash yuzasidan bir qator dastur va loyihalar ishlab chiqilayotganligi barchamizga ma’lum. Qator davra suhbatlari va ommaviy ravishda teleko‘rsatuvarlar namunali tarzda keng jamoatchilikka etkazilib borilmoqda. Albatta bu tahsinga sazovar masala. Biroq bir achchiq haqiqatni tan olish va ushbu masalaga psixolog nuqtai nazaridan qarash mutaxassislar e’tiboridan chetda qolib ketmoqda.

Oila munosabatidagi muammoli masalalarni ilmiy jihatdan tadqiq etish davr talabidan kelib chiqib, amalga oishirish lozimligi yuzasidan soha vakillari J.Usarov, N.Eshnaev, T.Maratovlar ushub masalada to‘xtalib: “Mamlakatimizda oilani mustahkamlash, oila bilan bog‘liq muammolarni aniqlash va bartaraf etish, ayniqsa, yosh oilalarni qo‘llab-quvvatlash borasida keng ko‘lamli ma’naviy-ma’rifiy tadbirlar tashkil etilib, ijtimioiy-siyosiy dasturlar ishlab chiqilmoqda. Biroq oilaviy ajrimlar soni ortib borayotgani bu yo‘nalishdagi ishlar yangicha yondoshuv, qolaversa ilmiy tadqiq etishni taqozo etadi”-degan ilmiy qarashni ilgari surgan.

Shu nuqtai nazarda yangi kelinlarga xonadon sohiblari qanday munosabatda bo‘lish yuzasida diyarli umuman psixologik yondashuv yo‘qligi yuzasidan fikrimizni bildirmoqchimiz. Bu masalaga befarq yondashuv nafaqat qaynon-kelin munosabatlarida balki oila a’zolari bilan istalgan vaqtida ziddiyatli vaziyatni yuzaga keltiruvchi ijtimoiy psixologik muhitga zamin bo‘lishi mumkin.

Kelin bo‘lish har bir qizning orzusi bo‘lgani kabi, boshqa xonadonga kirib borish va undagi ijtimoiy psixologik muhitga adaptatsiya qilish haqidagi ichki xovotir barcha narsadan ustun ekanligini bir o‘ylab ko‘rsak maqsadga muvofiq

bo‘lardi. Biz bu masalada birorta bilim va tushunchaga egamizmi? Yangi kelinda kechayotgan kuchli ruhiy holatni hisobga olyapmizmi? Uning adabtatsiya jarayoniga munosib sharoit yaratib beryapmizmi? Undagi kuchli depression holatni yumshatish borasida qanday samarali psixologik munosabatni amalga oshiryapmiz? Yangi muhit, har xil odamlar, xar xil xarakterlarni o‘rganish va ular bilan munosabatning muvozanatli nuqtasini topish uchun qancha vaqt kerak? Bu holat kelinlarda kuchli yashirin stress holatni yuzaga keltirishi, asabiylashishi, o‘zini boshqarishda qiynalishi va oqibatda o‘ziga bog‘liq bo‘lmagan holda noto‘g‘ri gapirishi yoki xatoga yo‘l qo‘yishi masalasida biror bir mutaxassis gapirdim? Yo‘q! Bu borada birorta yo‘l – yo‘riq ishlab chiqldimi? Yo‘q! Yangi kelin tushayotgan xonadon sohiblar bu masalada bilim va tushunchaga etarli darajada egami? Yo‘q!

Masalaga oydinlik kiritish vaqtি etib kelgandir. Oddiy qilib aytganda bu msasalani majoziy ma’noda tushuntirishni maqsadga muvofiq deb o‘ylaymiz. Tafakkur qiling kelin yosh nihol, kelin borgan xonadon u o‘nib o‘sishi lozim bo‘lgan zamin? Xush niholni tomir otib yashnab ketishi va hosilga kirishi uchun niholni o‘ziga ishlov berish kerakmi yoki zaminni yaxshilab tayyorlash kerakmi? Albatta zaminni!

Xulosa qilib aytganda biz qaynona – kelin munosabatlarini bir tomonama va noxolis o‘rganayotganligimiz tufayli, faoliyatimiz samarasiz natija berayotganligini ko‘rishimiz mumkin. Ushbu masalani yanada kengroq va har tomonlama o‘rganish lozim deb o‘ylagan holda quyidagi takliflarni ilgari suramiz:

-Bo‘lajak kelinlar bilan to‘ydan oldin yangi muhitga moslashtirish yuzasidan psixotrening o‘tkazish;

-bo‘lajak kelinlardagi ichki xovotir va depression holatni bartaraf etish yuzasidan, qaynonalar uchun psixolog tavsiya va takliflariga asoslangan zamonaviy ommabop o‘quv qo‘llanmalarni yaratish;

-kelin tushirayotgan oila vakillarini kelin bilan munosabatini psixologik omillar asosida yo‘lga qo‘yish;

-bo‘lajak qaynonalar mifiktabini tashkil etish va psixologik bilimlar berishning maqsadli dasturini ishlab chiqish;

-kelinlarni yangi xonadonga tez moslashishi yuzasidan sog‘lom psixologik muhitni yuzaga keltirish;

-keng jamoatchilikni ushbu masala qaynona va kelin munosabatlaridagi ziddiyatni keltirib chiqaruvchi asosiy omil ekanligi to‘g‘risidagi targ‘ibot va tashviqot bilan yaqindan tanishtirish;

-bu masalada davra suhbatlardan voz kechga holda, ommaviy axborot vositalari orqali psixolog mutaxassis tavsiya va takliflarini muntazam etakiz berishni yo‘lga qo‘yish;

-ommaviy axborot vositalari orqali oilaviy munosabatlar yuzasidan xonanda, aktirisa hamda kino va san’at soha vakillarini fikr bildirish uchun jalg etishdan voz kechish va faqat psixolog fikr-mulohazalarini keng jamoatchilikka etkazish;

-bu borada (jamiyatimizda oilashunos psixolog va satsiologlar borligini unitib qo‘yan) jurnalistlar savodxonligini oshirish va qarshlarini to‘g‘ri tarbiyalash lozim.

FOYDALANILGAN ADABIYOTLAR RO‘YXATI

1.O.Eshmuradov. Oila mustahkamligini ta’minalashning ijtimoiy-psixologik omillari mavzusidagi psixologiya fanlari bo‘yicha falsafa doktori dissertatsiyasi 2022 yil

2. Narbasheva, M. A. (2021). The importance of pedagogical and psychological literacy of parents in preparing children for school education. *ACADEMICIA: An International Multidisciplinary Research Journal*, 11(1), 728-732.

3.O.E Eshmuradov - Oilaning ma’naviy-axloqiy xususiyatlari va oila mustahkamligini ta’minalash imkoniyatlari Academic research in educational sciences, 2021 ACADEMIC RESEARCH IN EDUCATIONAL SCIENCES

- 4.O.E.Eshmuradov [Oilaviy munosabatlarda shaxs moslashuvchanligi xususiyatining oila mustahkamligiga ta'siri: doi: https://doi. 0.53885/edinres. 2021.21. 57.012](#) Obrazovanie i innovatsionnye issledovaniya ..., 2021
- 5.Eshmurodov, О. (2022). ҚАЙНОНА ВА КЕЛИН ЎРТАСИДАГИ МУНОСАБАТЛАРНИНГ БОЛАЛАР ТАРБИЯСИГА ТАЪСИРИ . Журнал Педагогики и психологии в современном образовании, 2(6). извлечено от [https://ppmedu.jdpu.uz/index.php/ppmedu/article/view/7431](#)
- 6.Eshmurodov, О. (2022). ЎЗБЕК ОИЛАСИ МУСТАҲКАМЛИГИНИ ТАЪМИНЛАШДА МИЛЛИЙ ҚАДРИЯТЛАРНИНГ ЎРНИ . Журнал Педагогики и психологии в современном образовании, 2(6). извлечено от [https://ppmedu.jdpu.uz/index.php/ppmedu/article/view/7449](#)
- 7.Norbosheva, M. (2022). О ТЕХНИКЕ НАЧАЛА РАЗГОВОРА С КЛИЕНТОМ В ПСИХОЛОГИЧЕСКОМ КОНСУЛЬТИРОВАНИИ. Журнал Педагогики и психологии в современном образовании, 2(6). извлечено от [https://ppmedu.jdpu.uz/index.php/ppmedu/article/view/7456](#)
- 8.Axmedov, B. (2022). МУҲАББАТ ҲИСЛАРИ БОСҚИЧЛАРИНИНГ ГЕНДР ХУСУСИЯТЛАРИ. Журнал Педагогики и психологии в современном образовании, 2(6). извлечено от [https://ppmedu.jdpu.uz/index.php/ppmedu/article/view/7457](#)
- 9.Norbosheva, M. (2022). МУЛОҚОТ ЖАРАЁНИДА МАКТАБГАЧА ЁШДАГИ БОЛА ШАХСИНИНГ ИЖТИМОЙ-ПСИХОЛОГИК РИВОЖЛАНИШ ХУСУСИЯТЛАРИ. Журнал Педагогики и психологии в современном образовании, 2(6). извлечено от [https://ppmedu.jdpu.uz/index.php/ppmedu/article/view/7459](#)
- 10.Alimardanova, R. (2022). ЎЗБЕК ОИЛАЛАРИДА ЁШ КЕЛИН-КУЁВ ШАХСИНИНГ ХАРАКТЕРОЛОГИК ХУСУСИЯТЛАРИНИ ИФОДАЛОВЧИ ХУЛҚ-АТВОРНИНГ ЭМПИРИК КЎРСАТКИЧЛАРИ . Журнал Педагогики и психологии в современном образовании, 2(6). извлечено от [https://ppmedu.jdpu.uz/index.php/ppmedu/article/view/7458](#)

11. Eshmurodov, O. (2023). OILAVIY MUNOSABATLAR
BARQARORLASHSHUVIDA MILLIY QADRIYATLARNING AHAMIYATI.
Журнал Педагогики и психологии в современном образовании, 3(1).
извлечено от <https://ppmedu.jdpu.uz/index.php/ppmedu/article/view/8238>